

# ثابرات ن بُولوس اِ اِفاَسُوَسِيِيِن ءِ ءِ

## اَسُدْجِم

1 اَبُولوس، اَمَازان ن يَشُو لَمَسِيح علاَحساب زُخاضار ن اَرَبِي، اِ اِمَقْدَّاسن ذي اِفاَسوس، اِنِّي يَوْمَنن ذي لَمَسِيح يَشُو. <sup>2</sup>نِيعْمَت ذ زَهْنا اَكِيذوم اِرِين زي اَرَبِي بابانْغ وُ زي سِيذِي يَشُو لَمَسِيح.

## لباراكا اِ اِدْچان ذي لَمَسِيح

<sup>3</sup>اَذ اِتوبارك اَرَبِي، ثاباباث ن سِيذِي يَشُو لَمَسِيح وتي اِ ذ انغ اِباركَن س مارا لباراكا ن اَرُوَح اِ اِدْچان ذَكْ وُجْتا ذي لَمَسِيح، <sup>4</sup>اَم مامْش تُوغا ذ انغ اِحْضار ذائِس قَبِرَ ما اَذ تِيذِي ذُونِيتْ، جِيما اَذ نِيذِي ذ اِمَقْدَّاسن نَبْرا زَعِيْب قِيْبائْتِش نَس. <sup>5</sup>اَقَّا س ثائِرِي اِرْوار اَذ انغ اِكْ ذ اِحْنجِرِن اِ يِيخف نَس ذي يَشُو لَمَسِيح علاَحساب اَرْضا ن اَراي نَس <sup>6</sup>اِ وُسْمَعارَن وُعودْچِي ن نِيعْمَت نَس اِ زايِس اِكْا ذانْغ اَرْضا نَس ذَكْ وُمَعِيَز. <sup>7</sup>ذايِس غارَنغ اَفْكِي س اِذامَن نَس، اَغْفارَن اِحْطان علاَحساب اَكْران نِيعْمَت نَس <sup>8</sup>اِ تُوغا ذ انغ اِوشا س وُفِيض علاَحساب مارا تِيغِيث ذ زَفْهامت نَس. <sup>9</sup>وُشا اِسْناَرَكْب انْغ خ سِيَر ن زُخاضار نَس اِ اِدْچان علاَحساب اَرْضا نَس اَم ذ اس اِكْا نْتا زَحْساب سِيْمانت نَس <sup>10</sup>اِ مان اِيا اِ وُسْوجْدَن زَكْمازْثَن مارا اِكْوذَن ن زَوْقْث، جِيما اَذ اِسْتَمون ذي لَمَسِيح مارا مِين اِدْچان ذَكْ اِحْنوان وُخ ثْمورْث غار اِحْج ن وُزْدْجِيْف. <sup>11</sup>ذايِس اِ ذ انغ اِكْا ذ اِرِيشَن علاَحساب لغاراض ن وتي اِكْا مارا اَم مامْش ذ اس اِسْتَشَن اَراي نَس، <sup>12</sup>جِيما اَذ نِيذِي اِ وُسْمَعارَن وُعودْچِي نَس، نَشِين، اِنِّي تُوغا اِسْتِيْشَمَن قَبِرَ ذي لَمَسِيح. <sup>13</sup>اَقَّا كْتَبو ذايِس زامِي سَنْزِيْم اَوازَن نِيذْت، زَحْبار اَصْبَحان ن وُسْنِجَم نوم، وُشا اَوارِنِي زامِي ثومَنن، نَكْسِيْم ذايِس اَشْمِيْع ن اَرُوَح اِقْدَّاسن اِ تُوغا ذ انغ اِتَواواعْدن. <sup>14</sup>اَقَّا نْتا ذ زَعارُبون ن زَوارْث نَغ اِ وُفْكِي ن مِين غارس اِدْچان، اِ وُسْمَعارَن وُعودْچِي نَس.

## أَقَاذِي ذِ تَرَادِجِيث

<sup>15</sup>خ وُيُنِّي وُزَا ذِ نَش، زَامِي سَزِيغِخ لِيَامَانِ نَوْمِ ذِي سِيذِي يَشُو وُخِ ثَايِرِي إِغَارُومِ إِ مَارَا إِمَقْدَاسِن، <sup>16</sup>وَارِ بَدَغِ شَا أَدِ تَقَاذِيغِ أَرِّي إِ كَنِّيُو، أَمِ فِكَاَرِغِ ذَايُومِ ذِي تَرَادِجِيثِ إِنُومِ، <sup>17</sup>جِيْمَا أَرِّي نِ سِيذِيئِنَغِ يَشُو لَمَسِيحِ، ثَابَابَاثِ نِ وُغُوذِجِي، أَدِ اومِ إِوَشِ أَرُوحِ نِ ثِيغِيغِثِ ذِ وُسَارَكُوبِ ذِي طَوَعِ نِ ثُمُوسِنَا نَسِ <sup>18</sup>أُوشَا أَدِ اومِ يَارْزَمِ يِطَاوِينِ نِ زَعَقَرِ نَوْمِ، جِيْمَا أَدِ ثَسْنَمِ مَانِ أَسِيْثَمِ نِ تَرَاغِيْثِ نَسِ ذِ مَانِ أَكْرَا نِ وُغُوذِجِي نِ زَوَارِثِ نَسِ ذِي مَارَا إِمَقْدَاسِن <sup>19</sup>ذِ مَامَشِ إِمَغَارِ أَطَاسِ إِدْجَا جَهْدِ نَسِ إِ مَارَا إِتِي يُوْمِنِ عِلَاْحَسَابِ زَحْدَمَثِ نِ جَهْدِ نِ صُولَطَا نَسِ <sup>20</sup>إِ إِخْدَمَنِ ذِي لَمَسِيحِ وُيِيْثِ-يَدِ إِسْنَكَاَرِ زَكِّ إِمْتِيْنِ وُشَا إِكَّ إِثِ غَارِ وُغَزْدِيْسِ أَفُوسِيِي نَسِ ذَكِّ وُجِنَا <sup>21</sup>سَجِجِ إِ كُوْرَ أَرْدِجِيْفِ ذِ صُولَطَا ذِ جَهْدِ ذِ رَحْكَاْمَثِ ذِ مَارَا إِسْمِ إِتُوسَاْمَانِ، مَاشِي ذِي زُوقْتِ-اِ وَاها، مَاشَا عَاوِذِ ذِي ثَنِّيِ إِ دِ غَا يَاسِن. <sup>22</sup>أَقَا نَتَا يَارْ-سِ-دِ مَارَا سَاذُو إِضَارِنِ نَسِ وُشَا إِوَشِ إِثِ ذِ أَرْدِجِيْفِخِ مَارَا إِ ثَمْسُومَنْتِ <sup>23</sup>ثَنِّيِ ذِ أَرِيْمَثِ نَسِ، أَقَا نَتَاثِ ذِ أَعْمَارِنِ وَتِي إِعْمَارِنِ كُوْرَشِيِي ذِي مَارَا.

## سِ نِيْعَمَثِ إِ زِي تَتُوسَاَسْنَجِمِ، سِ لِيَامَانِ

**2** أَقَا ثُوْغَا كَنِّيُو ذِ إِمْتِيْنِ ذَكِّ إِخْطَاَنِ ذِ ذَنْوَبِ نَوْمِ <sup>2</sup>يَمِيْنِ ذِي ثُوْغَا ثُوْيُورْمِ عِلَاْحَسَابِ زُوقْتِ نِ دُوْنِيْثِ-اِ، عِلَاْحَسَابِ أَمَقْرَانِ نِ صُولَطَاخِ وَازَايِ نِ زَعُوْبِنِ، أَرُوحِ إِ إِخْدَمَنِ ذِي ثَارُوانِ نِ زُمُوعِصِيْيْثِ. <sup>3</sup>ثُوْغَا-نِغِ مَارَا جَارَاسِنِ قَبْرِ، وُيِيْ نَضْفَارِ نَشِوَاثِ نِ وُيُسُومِ نِغِ، نَكَّا مِيْنِ إِحْسِ وُيُسُومِ ذِ ثِيْثِ وُشَا ثُوْغَا-نِغِ ذِ ثَارُوانِ نِ لِعَاضَابِ عِلَاْحَسَابِ طَبِيْعَثِ نِغِ أَمَشْنَاوِ إِضْنِيِي. <sup>4</sup>مَاشَا أَرِّي، وَتِي إِشُورِنِ سِ أَرْحَمَثِ، خِ سَبِيْثِ نِ ثَايِرِي ثَاْمَقْرَاَتِ نَسِ ثَنِّيِ إِ خَانِغِ إِعِيْرِنِ <sup>5</sup>وُيِيْ ثُوْغَا-نِغِ عَاذِ ذِ إِمْتِيْنِ ذَكِّ إِخْطَاَنِ، أَقَا يَارْ أَنْغِ-دِ غَارِ ثُوْذَارِثِ أَلْ-ذِ لَمَسِيحِ - أَقَا سِ نِيْعَمَثِ تُوْاسْتَنَجِمِ - <sup>6</sup>أَقَا إِسْنَكَاَرِ أَنْغِ-دِ وُشَا إِسْغِيْمَا أَنْغِ أَكِيْسِ ذَكِّ وُجِنَا ذِي لَمَسِيحِ يَشُو، <sup>7</sup>جِيْمَا أَدِ إِسْشِنِ أَفِيْضِ نِ وَاكْرَا نِ نِيْعَمَثِ نَسِ ذَكِّ إِكُوْذِنِ نِ زُوقْتِ إِ دِ غَا يَاسِنِ أَمِ إِتَكَّ زُضْرَاْفَثِ ذَايِنِغِ ذِي يَشُو لَمَسِيحِ. <sup>8</sup>مِيْنِزِي سِ نِيْعَمَثِ إِ زِي تَتُوسَاَسْنَجِمِ، سِ لِيَامَانِ، وَارِ إِدْجِيِي زَايُومِ، أَقَا-تِ ذِ ثَاْمُوشِيِي نِ أَرِّي، <sup>9</sup>وَارِ ثُدْجِيِي سِ زَحْدَمَثِ، جِيْمَا وَارِ إِسْمَغَارِيِي وُزَا ذِ إِجِ. <sup>10</sup>أَقَا نَشِيْنِ نَتَاوَكِّ زَايِسِ، نَتُوَاخْرُوقِ-دِ ذِي لَمَسِيحِ يَشُو جِيْمَا أَدِ نَكِّ زَحْدَايِمِ ثِيْصَبْحَايِنِ ثَنِّيِ إِ دِ أَنْغِ إِسُوجِدِ أَرِّي قَبْرِ.

### أَرَبِّي اِتَكَّ زَهْنَا ذِي لَمَسِيح

<sup>11</sup> إوا عقرم، أَقَا زِيش تُوَعَا كَنِيو د زَكْنُوس دَك وَيُسُوم، تُوَاسَمَام 'نَبْرَا أَخْثَان' زَكَّ اِنِّي تُوَعَا س وَخْثَان دَك وَيُسُوم س اِفَاسَن. <sup>12</sup> زَخْدَنِّي تُوَعَا كَنِيو ثَبْضَام خ لَمَسِيح، ثُوَاقَصَم زِي زَحَقَّ ن وَمَزْدَاغ ن اِسْرَائِيل، أَقَا تَكْوَجَم اَم اِبَارَانِيَّين خ زَعُوهُوُذ ن زَوَاعَد، وار ذَايُوم اَسِيْثَم، وار غَارُوم اَرَبِّي ذِي دُونِيْث. <sup>13</sup> ماشا زُخُو، ذِي لَمَسِيح يَشُو، أَقَا كَنِيو اِنِّي تُوَعَا اِكْوَجَن، أَقَا زُخُو تُودَسَم-د س اِذَامَن ن لَمَسِيح. <sup>14</sup> أَقَا نَتَا ذ زَهْنَا نَع اَم د يَارَا ثَنانِي نِّي غَار اِجَّ، أَقَا نَتَا اِهْدَم اَعْبَار ن زَقْوَار وَتِي تُوَعَا ثِن اِبْضَان، <sup>15</sup> وُشَا خَنِي اِبْضَر دَك وَيُسُوم نَس زَعْدَاوْث، ثَنِي ذ تَاوَرَاث س زُوْمُور ذ نُوصَا نَس، جِيْمَا اَذ اِحْرَق دَك يِيخَف نَس ثَنانِي نِّي غَار اِجَّ ن بُنَادَم ن جَزِيْد، اَم اِتَكَّ زَهْنَا <sup>16</sup> وُشَا جِيْمَا اَذ اِسْصِرَح ثَنانِي نِّي اَك-ذ اَرَبِّي دَك اِشْت ن اَرِيْمْث س صَالِيْب اَم اِنْعَا زَعْدَاوْث دَك يِيخَف نَس. <sup>17</sup> اَم د يُوَسَا، تُوَعَا اِتْبَارَح س زَهْنَا اِكْنِيو اِ تُوَعَا اِكْوَجَن وُ اِنِيْثَنِي اِ تُوَعَا يُوَدَسَن، <sup>18</sup> مِيْنَزِي زَايَس نَرْمَار اَذ نَاذَف س ثَنانِي اِذْنَع غَار ثَبَابَاث س اِجَّ ن اَرُوْح. <sup>19</sup> اَمُو كَنِيو وار ثَدَجِيْم عَاذ ذ اِبَارَانِيَّين وُزَا ذ اِنُوَجِيون، ماشا كَنِيو ذ تَارَوَا ن ثَمُورْث اَك-ذ اِمَقْدَاسَن ذ اِتْبَاب ن تَاَدَارْث ن اَرَبِّي، <sup>20</sup> ثَنُوَابَنَام خ دَسَا س اِمَازَنَن ذ اِمْكَاشَفَن ن اَرَبِّي وُشَا اَزْرُو ن ثَعْمَارْث اَقَا-ث ذ يَشُو لَمَسِيح سِيْمَانْت نَس <sup>21</sup> وَتِي ذَايَس اِ غَا اِكْمَان زَبْنِي مَارَا اَم اِتُوَاسْمُون مَلِيْح وُشَا اَذ اِذُوْر ذ تَاَدَارْث اِقْدَسَن ذِي سِيْدِي، <sup>22</sup> وُشَا ذَايَس عَاوْذ اَذ ثَنُوَابَنَام كَنِيو، اَذ ثِيْرِيْم ذ تَاَزْدِيْعْث ن اَرَبِّي ذِي اَرُوْح.

### بُولُوس ذ اَمْبَارَح اِ زَكْنُوس

**3** اِخ وُيْنِي نَش، بُولُوس، أَقَا-بِي ذ اَمْحُبُوس ن لَمَسِيح يَشُو اِكْنِيو اِنِّي اِذْجَان زِي زَكْنُوس. <sup>1</sup> أَقَا ثَمْرَام خ وُوكْر ن نِيْعْمْث ن اَرَبِّي اِ ذ اِبِي اَمُوشَن خَاوَم، <sup>3</sup> بَلِي اِتُوَاسَارْكَب اَبِي-د سِيْر، اَم اِزَارْغ وُورِيغ اَوْم-د س دُرُوس. <sup>4</sup> خَمِي اِ غَا نَعْرَام مَان اِيَا، ثَرْمَارَم اَذ نَفْهَمَم زَفْهَامْث اِنُون س سِيْر ن لَمَسِيح، وَتِي وار اِتُوَاسَارْكَب شَا ذِي تَارَوَا ن اِوْذَان ذِي جِيْرَاث ن زِيش، اَم مَامْش اِتُوَاعَازا خَاس زُخُو س اَرُوْح اِ اِمَازَانَن ذ اِمْكَاشَفَن اِمَقْدَاسَن نَس. <sup>6</sup> اَحَقَا اِنِّي زِي زَكْنُوس ذ اِوْرِيْشَن اَكِيْدَسَن، نِيْثَنِي زِي اَرِيْمْث ذ اِشْتَن وُشَا غَارَسَن ثَاَسْغَارْث ذِي زَوَاعَد ذِي لَمَسِيح يَشُو س زَخْبَار اَصْبَحَان <sup>7</sup> اِ زِي نَش دُوْرْغ ذ اَمْسَخَار عِلَاخَسَاب ثَامُوشِي ن نِيْعْمْث ن اَرَبِّي اِ ذ اِبِي اَمُوشَن عِلَاخَسَاب جَهْد نَس اِ ذَايِي اِخْدَمَن. <sup>8</sup> أَقَا ثَمُوش اَبِي نِيْعْمْث-ا، اِ نَش ذ اَمُوقْرِيْر جَار قَاع اِمَقْدَاسَن، جِيْمَا اَذ بَارْحَغ س وَاكْرَا ن لَمَسِيح اِ وار نَرْمَار اَذ نَفْهَم، <sup>9</sup> وُشَا جِيْمَا اَذ شُوْفَعْغ غَار ثَفَاوْث

إِ مَارَا، مِينِ إِخْسِ أَذِ بِيْنِي وَوَكْرَ نِ سَيِّرِ إِ تُوْعَا إِتُوْقَارَنِ ذِي قَاعِ زُوْقَتِ نِ زِيْشِ ذِي  
 أَرْبِيِّ إِ دِ إِخْرَقَنِ مَارَا مِينِ إِدْجَانِ سِ يَشُو لَمَسِيْحِ،<sup>10</sup> جِيْمَا تِيغِيْثِ نِ أَرْبِيِّ زَكِّ وَاطَّاسِ  
 نِ إِغْرُذِيْسِنِ نَسِّ أَذِ تِيْرِي تَتُوَاْسِنِنِ سِ ثَمْسُمُوْنَتِ غَارِ مَارَا زُوْحُوْكَامِ ذِ صُوْلَاطَاتِ ذَكِّ  
 وَجَنَّا<sup>11</sup> عِلَاْحَسَابِ لِعَارَضِ نَسِّ نِ زَيْدَا وَنِيْ ثِ إِكْمَرَنِ ذِي لَمَسِيْحِ يَشُو سِيْذِيْبِيْنِغِ.  
<sup>12</sup> ذَايسِ ذِي لَمَسِيْحِ أَقَا غَارَنْغِ ثَارِيَاْسَتِ ذِ وَادَاْفِ أَمِ خَاسِ نَشَشَرِ سِ لِيْمَانِ ذَايسِ. <sup>13</sup> خِ  
 وَبِيْنِي تَزَاوَلْغِ كَنِيْوِ مَاحْنَدِ وَارِ تِيْحَرَمِ شَا سِ زَحْصَارَتِ إِتُو ذِي طُوْعِ نُوْمِ. أَقَا مَا نِ أَيَا ذِ  
 أَعُوْدْجِي إِ كَنِيْوِ.

### تَاژَاذْجِيْثِ نِ بُوْلُوْسِ خِ إِفَاْسُوْسِيِيَيْنِ

<sup>14</sup> خِ سَيِّيْتِ-أِ أَذِ أَضَارْغِ سِ إِفَاذْنِ إِتُو زَاثِ إِ ثَبَابَاثِ نِ سِيْذِيْبِيْنِغِ يَشُو لَمَسِيْحِ<sup>15</sup> وَنِيْ إِ خَفِ  
 إِتُوَاْسَمَا مَارَا وَيِ إِدْجَانِ ذَكِّ إِجْنُوَانِ ذِ ثَمُوْرَثِ،<sup>16</sup> جِيْمَا أَذِ أُوْمِ إِوْشِ عِلَاْحَسَابِ أَكْرَا نِ  
 وَعُوْدْجِي نَسِّ وَشَا جِيْمَا أَذِ تَتُوَاْسَجْهَدِمِ سِ جَهْدِ ذِي بِنَادِمِ نِ ذَاخِرِ<sup>17</sup> جِيْمَا لَمَسِيْحِ أَذِ  
 إِزْدِغِ ذَكِّ وَزَاوَنِ نُوْمِ سِ لِيْمَانِ، أَمِ ثُوْرِيْمِ إِزُوْرَانِ وَشَا أَذِ تِيْرِيْمِ تَتُوَاژُوْمِ ذِي ثَايِرِي،<sup>18</sup> جِيْمَا  
 أَذِ ثُوْرَمَارِ أَذِ تَفْهَمِ أَك-ذِ مَارَا إِمْقَدَاسِنِ، مِينِ تَعْنَا تِيْرُو ذِ تَزُوْكَارْتِ ذِ زُوْعَرَا ذِ زَاذْجَاغِ،  
<sup>19</sup> أَذِ تَسْنَمِ ثَايِرِي نِ لَمَسِيْحِ إِ إِدْجَانِ سَنَجِ إِ ثَمُوْسِنَا مَارَا، جِيْمَا أَذِ تِيْرِيْمِ تَعْمَارِمِ سِ مَارَا  
 أَعْمَارِنِ أَرْبِيِّ. <sup>20</sup> تَنَّا غَارِسِ تِيْرِمَارِ جِيْمَا أَذِ إِكِّ مَارَا أَطَّاسِ سِ وَاطَّاسِ سَنَجِ إِ مِينِ نَتَّارِ نِيْغِ  
 نَتَّخَارَصِ عِلَاْحَسَابِ جَهْدِ إِ إِخْدَمِنِ ذَايسِ،<sup>21</sup> تَنَّا إِكَّارِ أَس-دِ أَعُوْدْجِي ذِي ثَمْسُمُوْنَتِ  
 ذِي لَمَسِيْحِ يَشُو ذِي مَارَا جِيْرَاثِ إِ زَيْدَا قَاعِ. أَمِيْنِ.

### إِشْتِ نِ أَرْبِيْمَتِ ذِ إِجِّ نِ أَرْوْحِ سِ لَمَسِيْحِ

4 <sup>1</sup> خِ وَبِيْنِي نَشِ زِيْتَارْغِ خَاوَمِ، نَشِ ذِ أَمْحَبُوْسِ نِ سِيْذِيْبِيْنِغِ، جِيْمَا أَذِ ثُوْيُوْرَمِ سِ وَوَقَّارِ إِ  
 تَزَاغِيْثِ إِ زِي تَتُوَازَاغَامِ،<sup>2</sup> أَمِ تَقَبْرَمِ إِجِّ وَنَضْبِي ذِي ثَايِرِي سِ مَارَا أَوَاضِعِ ذِ تَمْهِيْنَتِ  
 ذِ تَاْسِيْعِ نِ زَخَاضَارِ<sup>3</sup> وَشَا تَشْضَارَمِ أَذِ ثَمُوْنِمِ ذِ إِجِّ ذِي أَرْوْحِ سِ شَعْمُوْنَتِ نِ زَهْنَا،<sup>4</sup> إِشْتِ  
 نِ أَرْبِيْمَتِ ذِ إِجِّ نِ أَرْوْحِ، أَمِ تَتُوَازَاغَامِ ذَكِّ وَبِيْسِيْمِ نِ تَزَاغِيْثِ نُوْمِ ذِ إِجْنِ: إِجِّ نِ سِيْذِيْبِيْنِغِ  
 ذِ إِجِّ نِ لِيْمَانِ ذِ إِجِّ نِ وَسْغَضَاصِ،<sup>6</sup> إِجِّ نِ أَرْبِيِّ ذِ ثَابَابَاثِ نِ مَارَا (=بَابَاثْنِغِ مَارَا)،  
 وَنِيْ إِدْجَانِ خِ مَارَا وَوَسِ مَارَا وَشَا أَقَا-ثِ ذَايْنِغِ مَارَا.<sup>7</sup> مَاشَا تَبْعَمْتِ تَمُوْشِ أَنْغِ مَارَا إِذْنِغِ  
 عِلَاْحَسَابِ مِينِ ذِ أَنْغِ إِوْشَا لَمَسِيْحِ.<sup>8</sup> خِ وَبِيْنِي إِقَارِ "أَمِ إِكَاَعَدِ غَارِ زُوْعَرَا، إِطْفِ إِمْحَبَاْسِ  
 وَشَا إِوْشَا تِيْمُوْشَا إِؤْدَانِ." "مِينِ إِعْنَا أَوَازَا-نَا إِكَاَعَدِ سَنَجِ" مَعْيِرِ أَقَا تَنَّا غَارِ وَزَمُوَارِ  
 تُوْعَا إِهَوَا-دِ غَارِ طَرُوْفَا نِ ثَمُوْرَثِ نِ وَادَايِ.<sup>10</sup> وَنِيْ تُوْعَا دِ إِهَوَانِ، تَنَّا عَاوَدِ ذِ وَنِيْ تُوْعَا

إكاعذن سنح إ مارا إجنوان، جيما أذ إسبوض مارا غار زكمازت. <sup>11</sup> وُشا ننا يارا شا ذ إمازان، شا ذ إمكاشافن، شا ذ إمبشارن، شا ذ إمكساون وُشا ذ إمسرماذن، <sup>12</sup> جيما نيثي أذ كُوونن إمقداسن إ زخدمت ن تسخارث، إ زبني ن أريمت ن لمسيح <sup>13</sup> أرا إ د غا نواص مارا غار وُموني ن لإيمان ذ ثموسنا ن ميس ن أربي، غار صيفت ن بناذم إكمز، غار زقد ن صيفت ثمون ن لمسيح، <sup>14</sup> جيما وار نييزي عاذ ذ إقوبانيين، خمي نتوعارن زي طارف غار ونضني أم نتواكسي س كوز أسميض ن وُسزمد س زعش ذ نحرأيمشت ن إوذان إ إساكواضن غار وُودار، <sup>15</sup> ماشا، أم نطف ذي ثيدت س نايري، أذ نكما ذي مارا إ ننا ذ وني ذ أزدجيف، أقات ذ لمسيح، <sup>16</sup> إ زي نكما أريمت مارا، أم نجرؤ وُ ثواسمُون زي مين ذ اس إوشين كوز زمفاصر علاحساب زقد ن زخدمت ن كوز إح ن إحف إ زبني ن بيحف نس ذي نايري.

### ثا روا ن ثفاوت

<sup>17</sup> نش قارغ وُ شهذغ مان أيا ذي أربي، جيما وار تكورم عاذ أمشناو مامش وُبورن إنضني زي زكنوس، إني إتحاراصن ذي زباطر. <sup>18</sup> أقا زعفر نسن إبارشن، نيثي كوجن خ نُودارث أكذ أربي أم إبارانيين خ سبيث ن ثقبوانشت إ إدجان دايسن، خ سبيث ن زقساحت ن وُز نسن. <sup>19</sup> نيثي دوزن وار تيشين شا، سلمن إحف نسن إ وُفوشح، جيما أذ كن مارا زخمج س موري. <sup>20</sup> ماشا وار إدجي أمو إ تسنم لمسيح، <sup>21</sup> مازا زعما كنيو نوغا نسزام خاس وُشا نتواسرمدم دايس، أمشناو ثيدت إ إدجان ذي يشو، <sup>22</sup> بلي زي جيهت ن ثيشري نوم ن زيش أذ نجم بناذم أقديم إ غا إتواسخسارن س نشواث إغشن نس <sup>23</sup> وُشا أذ نتواعدزم زي جديذ س أروح ن زعفر نوم، <sup>24</sup> أذ ثيارضم بناذم ن جديذ إ ذ إتواخرقن ذي صيفت ن أربي ذي تسكنا ذ ثقداسث س ثيدت. <sup>25</sup> خ وُني جم إخاريقن، سيوزم ثيدت كوز إح أكذ وُمقارب نس، مينزي نشين ذ إخفاون إجن إ ونضني. <sup>26</sup> خيسم، وار تكم شا دئوب، وار نجحي أذ نغري نفوشث خ وُخيق نوم. <sup>27</sup> وار تيشم شا أمشان إ إيزيس. <sup>28</sup> وي نوغا ذ أخوان، وار إقيم إتاشار عاذ، ماشا حسن أذ إكث ثشوني س إفاسن ماحند إزمار أذ زابيس إوش إ إني إحداجن. <sup>29</sup> وار د إنك شا واور إحمجن زك وُقموم نوم، ماشا مين إصبحن إ زبني أم مامش إتحصا، جيما أذ تسبوضم نيعم إ إني إ غا إسران. <sup>30</sup> وار تسفوكم شا أروح إقدسن ن أربي إ زي نتواخشم أراس ن وُفكي نوم. <sup>31</sup> كسم زايموم مارا نارزوكي ذ ثفقاقت ذ لغاضاب ذ إغويان ذ وُشقف ذ مارا نوغفنا. <sup>32</sup> صارفم وُ كم نأحنونشت، سامحم إ وياويا أمشناو أربي عاوذ أقا إغفار كنيو ذي لمسيح.

5 اِزِيَم ذِ اِمَضْفَارِن ن اَرِّي اَم اِحْنَجِرِن اِعِيَزِن، <sup>2</sup> وُيُورَم ذِي ثَايِرِي اَمَشْنَاو وُزَا ذِ لَمَسِيحِ ثُوغَا اِتْحَس اَنْغ، اِوْشَا اِحْف نَسْ خَانَع ذِ ثَاغَارَصْت اِ اَرِّي، اَقَا-ت ذِ اِشْت ن زَفَوَا حْت ثَا صَبْحَانَت. <sup>3</sup> مَاشَا خِ ثُوَقْحِيِثِ ذِ مَارَا زَخْمَجِ ذِ طَمَع، وَا رِ خَاسِ اِتِيَرِي بُو وَاوَا زِ اَم مَامَشِ اِشُوَوَارِ اِ اِمَقْدَاسِن، <sup>4</sup> وُزَا خِ وُبَهْدَزِ نِيغِ زَحَارَصِ اُبُوَهَا زِي نِيغِ ثَا قَصَّارْتِ وَا رِ اِضْبِيَعِن. مَان اَيَا وَا رِ اِشُوَوَارِ شَا، مَاشَا اَقَا ذِي. <sup>5</sup> مِيَنِرِي ثَسْنَمِ ذِ كَا بَلِي وُزَا ذِ اِحْ وَنِي اِقْحَبِن نِيغِ اِسْحَمَّاجِن نِيغِ اِضْمَاعِن، اَقَا-ت ذِ وَنِي اِعْبَدِن لَاصْنَام، وَا رِ غَارَسِ ثُدْجِيِ ثَسْغَارْتِ نِ زَوَارْتِ ذِي ثُكْلُدِيْتِ نِ لَمَسِيحِ ذِ اَرِّي. <sup>6</sup> وَا رِ كَنِيوِ اِغْكُوِيِ حِدِ سِ وَاوَا زِنِ اِخْوَانِ، اَقَا زِي مَان اَيَا دِ اِهْكُوَا لَغَا ضَابِ نِ اَرِّي خِ ثَارُوَا نِ زَمُوَعِيِيْتِ. <sup>7</sup> وَا رِ شَارَشَمِ شَا اَكِيْدَسِن، <sup>8</sup> مِيَنِرِي زِي شِ ثُوغَا كَنِيوِ ذِ ثَا دُجَسْتِ، مَاشَا اَقَا زَخُو كَنِيوِ ذِ ثِيْفَاوْتِ ذِي اَرِّي. وُيُورَمِ اَمِ ثَارُوَا نِ ثَفَاوْتِ، <sup>9</sup> مِيَنِرِي زَغِيْدَجْتِ نِ اَرُوْحِ اِتِيَرِيِنِ ذِي مَارَا ثُشُوْنِيِ ذِ ثُسْكُنَا ذِ ثِيْدَتِ، <sup>10</sup> اَمِ ثُقْدَجِمِ مِيْنِ اِ غَا يَارِضَانِ اَرِّي. <sup>11</sup> وَا رِ شَارَشَمِ شَا ذِي زَخْدَايِمِ ثِيْبَارِشَايِنِ اِ وَا رِ دِ اِتِيوِيْنِ زَغِيْدَجْتِ، مَاشَا حَسْنِ اَذِ ثَنْتِ-يِدِ ثَسْضَهَارَمِ. <sup>12</sup> مِيَنِرِي مِيْنِ تَكْنِ ذِي ثُنُوَقْرَا، اَقَا اَذِ زَايَسِ ثَصْضَحِيْدِ مَغِيْرِ حَمِيِ خَاسِ اِ غَا ثَسِيوَرْدِ وَا هَا. <sup>13</sup> مَارَا مِيْنِ اِ غَا اِتُوَا سْضَهَارِنِ زِي ثَفَاوْتِ، اَذِ دِ اِبَانِ، ذِ مَارَا مِيْنِ دِ اِبَانِ، اَقَا-تِ ذِ ثِيْفَاوْتِ. <sup>14</sup> اِخِ وُيُنِيِ اِقَارِ ”فَا قِ شَكِ، اُ بُو يِيْضُص. كَار-دِ زَكْتِ اِمْتِيْنِ وُشَا اَذِ خَاكِ اِكْتِ لَمَسِيحِ ثِيْفَاوْتِ.“ <sup>15</sup> سِ وُيُنِيِ خِتَارَمِ مَلِيْحِ مَامَشِ اِ غَا ثُكُوْرَمِ، مَاشِيِ اَمِ اُبُوَهَا زِيِنِ مَاشَا اَمِ اِمِيْغِيْسِن، <sup>16</sup> مَاحْنَدِ اَذِ ثَاوِيْمِ اَرِيْقِيِ اِ زُوَقْتِ-ا، مِيَنِرِي وُشَانِ-اِ ذِ اِعْفَانِن. <sup>17</sup> وَا رِ تِيَرِيْمِ ذِ اِبُوَهَا زِيِنِ مَاشَا فَهْمَمِ مِيْنِ اِحْسِ اَرِّي. <sup>18</sup> وَا رِ تَسْشَارَامِ شَا سِ يِيْنُوِ دِ اِ اِتَاوِيْنِ غَا رِ زَقْجَا حْتِ، مَاشَا اِزِيْمِ ثَعْمَارَمِ سِ اَرُوْحِ، <sup>19</sup> اَمِ ثَسَاوَا رَمِ جَا رَاوَمِ سِ اِسْبِيْحِنِ ذِ اِزْرَانِ نِ وُسْمَغَارِ ذِ اِزْرَانِ سِ اَرُوْحِ، ثَنْغَجَمِ وُ ثَسْرِيوَرْمِ ذِكْ وُرْ نُوْمِ اِ اَرِّي <sup>20</sup> اَمِ ثُنْقَادَامِ زِي كُوْرِ زُوَقْتِ خِ مَارَا اِ اَرِّيِ ثَابَابَا تِ ذِكْ يِيْسَمِ نِ سِيْذِيِ يِشُو لَمَسِيحِ، <sup>21</sup> وُ ثَنُوَا ضَعْمِ اِحْ اِ وَنْضِيِ ذِي ثِيْكُوْدِيِ زِي اَرِّي.

### زَمْرَاشِ ذِ تَا صَوِيْرْتِ نِ لَمَسِيحِ ذِ ثَمْسُمُوْنَتِ

<sup>22</sup> اَثِيْمَغَارِيْنِ، وَا ضَعْنَتِ اِ يِرِيَا زِنِ نَكْنَتِ اَمِ مَامَشِ ثَنُوَا ضَعْنَتِ اِ سِيْذِيِ، <sup>23</sup> مِيَنِرِي اَرِيَا زِ اَقَا ذِ اَزْدَجِيْفِ نِ ثَمْغَارْتِ اَمَشْنَاوِ عَاوَدِ لَمَسِيحِ ذِ اَزْدَجِيْفِ نِ ثَمْسُمُوْنَتِ وُشَا نَتَا ذِ اَمْسَنْجَمِ نِ اَرِيْمْتِ. <sup>24</sup> اَمَشْنَاوِ ثَا مْسُمُوْنَتِ ثَنُوَا ضَعِ اِ لَمَسِيحِ اَمْنِيِ عَاوَدِ ثِيْمَغَارِيْنِ اِ يِرِيَا زِنِ نَسْنَتِ ذِي مَارَا. <sup>25</sup> اَرِيَا زِنِ، حَسْمِ ثِيْمَغَارِيْنِ نُوْمِ اَمِ مَامَشِ ثُوغَا اِحْسِ لَمَسِيحِ ثَا مْسُمُوْنَتِ وُشَا اِسْلَمِ اِحْفِ نَسِ ذِي طُوْعِ نَسِ، <sup>26</sup> حِيْمَا اَذِ تِ يَارِ ذِ ثَا مَقْدَاسْتِ اَمِ ذِ اِسِ اِسِيْرْدِكِ سِ

وَسِيرِدْ نِ وَاْمَانِ سِ وَاوَازِ، <sup>27</sup>حِيْمَا اَذِ اِكِّ ثَامَسْمُونْتِ قِيْبَاتِيْشِ اِ يِيخْفِ نَسْ سِ وُعودِجِي نَبْرَا اَبْقِيضِ نِيغِ اَشْبِرِيْقِ، مَاشَا اَذِ تِيْزِيْ ذِ ثَامَقْدَاسْتِ وُ تَبْرَا زَعِيْبِ. <sup>28</sup>اَمُو اِنْحَصَّ اَذِ حَسَنِ يَرِيْازَنْ تِيْمَغَارِيْنَ نَسْنِ اَمِ اَرِيْمْتِ نِ يِيخْفِ نَسْنِ. اَقَا وَنْيِ اِنْحَسَنِ ثَامَغَارْتِ نَسْ، اَقَا اِنْحَسِ اِخْفِ نَسْ. <sup>29</sup>وَرَا ذِ اِحْ وَاَرِ اِشَارَهْ اَيُسُوْمِ نَسْ، مَاشَا اِسْتَاثِ، اِنْحَاوَازِ خَاسِ اَمِ مَامَشِ اِنْحَاوَازِ عَاوُذِ لَمَسِيْحِ خِ ثَمَسْمُونْتِ. <sup>30</sup>نَشِيْنِ ذِ اِخْفَاوَنْ نِ اَرِيْمْتِ نَسْ، نِ وَيَسُوْمِ نَسْ وُ نِ اِغْسَانِ نَسْ. <sup>31</sup>خِ وُيْنِيْ اَرِيْازِ اَذِ اِحْ يِمَاسِ ذِ بَابَاسِ مَاحْنَدِ اَذِ اِقَنْ غَارِ ثَمَغَارْتِ نَسْ، اَذِ اِرِيْنِ سِ نَتَايْنِ اِذْسَنْ ذِ اِسْتِ نِ اَرِيْمْتِ. <sup>32</sup>سَيِّرَا- ذِ اَمَقْرَانِ، مَاشَا نَشِ قَارِغِ ثِ زِيْ جِيْهْتِ نِ لَمَسِيْحِ ذِ ثَمَسْمُونْتِ. <sup>33</sup>مَامَشِ مَا ثُوْسِي-دِ، اَذِ اِحْسِ كُوْرِ اِحْ ثَامَغَارْتِ نَسْ اَمَشْنَاوِ سِيْمَانْتِ نَسْ وُشَا ثَامَغَارْتِ اَذِ ثُوْقَارِ اَرِيْازِ.

### لَوَالِيْدِيْنَ ذِ اِحْنَجِيْرِنِ

6 <sup>1</sup>اِحْنَجِيْرِنِ، طَاعَمِ اِ لَوَالِيْدِيْنَ نُوْمِ ذِيْ سِيْدِيْ، مِيْنَرِيْ مَانِ اَيَا نِيْشَانِ اِ يِدْچَا. <sup>2</sup>”وَقَارِ بَابَاشِ ذِ يِمَاشِ“، اَقَا-تِ ذِ ثَاوَصِيْتِ ثَامَزَاوْرُوْتِ سِ اِحْ نِ زَوَاعِدِ، <sup>3</sup>”حِيْمَا اَذِ تِيْزِيْمِ مَلِيْحِ وُشَا اَذِ ثِدَارَمِ اَطَاسِ ذِيْ ثَمُوْرْتِ.“ <sup>4</sup>كَنْبُوْ، اِ اِبَابَاثِنِ، وَاَرِ سَعَازَمِ شَا ثَارُوْا نُوْمِ، مَاشَا اَرَبَامِ ثِنِ سِ وُسْتَفِ وُ سِ وُكُوْذِ نِ اَرِيْبِيْ.

### اِسْمَغَانِ ذِ اَيْتِيْبَابِ نَسْنِ

كَنْبُوْ، اِ اِسْمَغَانِ، طَاعَمِ اَيْتِيْبَابِ نُوْمِ ذِيْ دُوْنِيْتِ-اِ سِ ثِيْكُوْذِيْ ذِ ثَارِجِيْجِيْتِ وُ سِ زُصْفَايْتِ نِ وُزَاوَنْ نُوْمِ، اَحْمِيْ اِ لَمَسِيْحِ، <sup>6</sup>وَاَرِ اِدْجِيْ اَمِ اِنِّيْ ذِ اِسْنِ يَارِضَانِ قِيْبَاتِيْشِ اِ ثِيْطَاوِيْنَ نَسْنِ، مَاشَا اَمِ اِسْمَغَانِ نِ لَمَسِيْحِ، اِنِّيْ اِتْكَنْ اَرَايِ نِ اَرِيْبِيْ سِ وُزِ، <sup>7</sup>اَمِ ثَخْدَمِ سِ زُخَاضَارِ اَمَشْنَاوِ اِ لَمَسِيْحِ، وَاَرِ اِدْجِيْ اِ اُوْدَانِ. <sup>8</sup>اَقَا ثَسْنَمِ مَازَا ذِيْنَ حَدِ، اِسْمَغِ نِيْغِ ذِ اَحُوْرِيْ، اِ غَا اِكَنْ ثَاَصْبِحَانْتِ، اَرِيْبِيْ اَذِ غَارَسِ يَارِ عِلَاحْسَابِ مِيْنِ اِكَا. <sup>9</sup>كَنْبُوْ، اِ اَيْتِيْبَابِ، كَمْ اَمْنِيْ اَكِيْدَسَنْ، وَاَرِ ثِنِ سِيْكُوِيْدَمِ شَا. كَنْبُوْ ثَسْنَمِ، اَقَا سِيْدِيْثُوْمِ ذِكِّ اِحْنُوَانِ وَاَرِ اِتْكِّ بُوْ سِ وُذَمَاوَنْ.

### اَرُوْضِ نِ زَسْنَاْحِ نِ اَرِيْبِيْ

<sup>10</sup>غَارِ وُ مَزُوْرُوْ، اِ اَوُمَانِنِ، مَحْضَمِ ذِيْ سِيْدِيْ وُ ذِيْ ثُرْمَارِ نِ جِهْدِ نَسْ. <sup>11</sup>اَرَضَمِ سِ مَارَا زَسْنَاْحِ نِ اَرِيْبِيْ، حِيْمَا اَذِ ثَسْبَدَمِ ثَاَحْرَايْمَشْتِ نِ اِرْبِيْسِ. <sup>12</sup>اَقَا وَاَرِ نَتْمَنْغِيْ شَا اَكْ-ذِ وَيَسُوْمِ ذِ اِذَامَنْ، مَاشَا اَكْ-ذِ زُحُوْكَامِ ذِ صُوْلَاطَاتِ ذِ اَرُوِيَاسِ نِ ثَاَدْچِسْتِ نِ دُوْنِيْتِ-اِ

(=روقت-ا) وُشا أكَ-ذ أروحات ثيعفانين ذك وُجنا. <sup>13</sup> خ وُيني أرضم س مارا زسناح ن أربي ماخذ أذ شمعازام ذك واس أعلان وُشا أذ ثبدم، خمي اِغا ثكمزم كوزشي. <sup>14</sup> خني محضم، ثيبسم س ثيدت، سذوزيم اِذمارن نوم س ثسكندا، <sup>15</sup> اذ اِزين اِضارن نوم تواقن س زخاضار اِ زخبار اِصباحان ن زهنا <sup>16</sup> أم ثسذوزيم اِخف نوم س لايمان اِزي اِغا ثسحسيم مارا فريشاث اِتحذوذوقن س ثمسي ن وُعان. <sup>17</sup> كسيم ثاقتار ن وُسجم ذ سيف ن أروح اِ اِذچان ذ اواز ن أربي <sup>18</sup> أم ثترادچام زبدا ذي أروح س مارا ثازادچيث ذ دعاوي، أم ثحضام مان اِيا سيمانث نس س مارا صبار ذ دعاوي ذي طوع ن مارا اِمقداسن <sup>19</sup> وُزا ذي طوع اِنو، جيما أربي اذ اِبي اِك اواز ماخذ اذ اِزمغ اقموم اِنو س ثرياست جيما اذ ساركيغ سير ن زخبار اِصباحان، <sup>20</sup> اِزي نش ذ امسكي س شناسر، جيما اذ خاس سوزغ س ثرياست أم مامش اِشووَر اذ سوزغ، <sup>21</sup> جيما اذ ثسنم مامش اِغا بيبي وُمدور اِنو ميخف ذ اوم اِغا اِخبار ثيشيكوس مارا. اقا ننا ذ وُما اِعيزن ذ امسخار اِصديق ذي أربي. <sup>22</sup> اقا سكيغ ث-يد اِمان اِيا سيمانث نس، جيما اذ ثسنم امدور نغ وُشا جيما اذ دايوم يكت وُز.

### أسدچم اِنكارو

<sup>23</sup> زهنا ذ ثايري س لايمان زي أربي ثاباباث وُزي سيدي يشو لمسيح اذ اِزين اِك-ذ ثاوماث. <sup>24</sup> ثيعمث اذ ثيبي اِك-ذ مارا اِنبي اِتحسن سيدي يشو لمسيح نبرا زعش.